

Broj: 11-17-432/25  
Sarajevo, 02.07.2025.

Na osnovu člana 69. st. 1. tačka b. i st.2. tačka d. i člana 70. st. 1). 2). 4). Zakona o javnim nabavkama („Službeni glasnik BiH“, broj 39/14, 59/22 i 50/94), a na Preporuku Komisije za javnu nabavku broj: 11-17-396/25 od 26.06.2025. godine, u otvorenom postupku za nabavku putničkih motornih vozila za potrebe Javne ustanove Federalna novinska agencija, Direktor Javne ustanove Federalna novinska agencija na usaglašen stav sa zamjenikom direktora, d o n o s i

## ODLUKU

### o poništenju LOT 2 u otvorenom postupku nabavke putničkih motornih vozila za potrebe Javne ustanove Federalna novinska agencija LOT 2 - Službena putnička motorna vozila niže klase

#### Član 1.

Prihvata se preporuka Komisije za javne nabavke, broj: 11-17-396/25 od 26.06.2025. godine te se poništava LOT 2 (Službena putnička motorna vozila niže klase) u otvorenom postupku nabavke putničkih motornih vozila za potrebe Javne ustanove Federalna novinska agencija zato što nije dostavljena niti jedna prihvatljiva ponuda.

#### Član 2.

Prijedlog ugovora o nabavci dostavit će se na potpis izabranom ponuđaču po proteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

#### Član 3.

Za izvršenje ove odluke zadužuje se i ovlašćuje Odjel za razvoj, opće, pravne i finansijske poslove.

#### Član 4.

Ova Odluka uputit će se ponuđačima koji su učestvovali u postupku javne nabavke, u skladu s članom 70. stav 6) Zakona o javnim nabavkama i članom 71. stav 2) Zakona o javnim nabavkama.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-17-346/25 od 02.06.2025. godine.

Javna nabavka je sprovedena putem otvorenog postupka.

Obavještenje o nabavci broj: 14753-1-1-102-3-22/25, objavljeno dana 04.06.2025. godine na portalu javnih nabavki dok je sažetak obavještenja o nabavci objavljen u Službenom glasniku BiH broj: 34 od 09.06.2025. godine.

Ukupna procijenjena vrijednost javne nabavke bez PDV-a za LOT 2 je **105.128,22 KM**.

Komisija za javnu nabavku imenovana je Rješenjem broj: 11-17-435/25 od 04.06.2025. godine.

Komisija za javnu nabavku dostavila je Zapisnik o otvaranju ponuda broj: 11-17-394/25 od 25.06.2025. godine, Zapisnik o pregledu i ocjeni ponuda broj: 11-17-395/25 od 26.06.2025. godine, Izvještaj o radu broj: 11-17-516/25 od 26.06.2025. godine i Preporuku za donošenje Odluka o izboru najpovoljnijeg ponuđača u postupku javne nabavke za LOT 1 i Odluke o poništenju postupka za LOT 2, broj: 11-17-396/25 od 26.06.2025. godine.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda - 2;
- da su blagovremeno zaprimljene ponude - 2;
- da su neblagovremeno zaprimljene ponude - 0;
- da su obje (2) ponude neprihvatljive;

U zapisniku o pregledu i ocjeni ponuda Komisija je konstatovala su oba ponuđača za LOT 2, odnosno ponuđači Auto Nuić d.o.o. Mostar (broj ponude: 02-01-0000328-25-SK) i Bunjo d.o.o. Sarajevo (broj ponude 075-2025) napravili propust u dostavljanju dokumentacije zahtjevane tenderskom dokumentacijom zbog čega su njihove ponude nepotpune i kao takve nepravilne/neprihvatljive za ugovorni organ.

Naime, niti jedan od pomenutih ponuđača nije dostavio „Izjavu o isporuci vozila u roku do maksimalno 30 dana, od dana obostranog potpisivanja ugovora (original/ovjereni kopija), potpisana i ovjereni pečatom od strane ponuđača”.

Zahtjev za dostavljanjem navedene izjave propisan je u na strani 2. tenderske dokumentacije u tački 1.7.2.:

“Isporuku predmetne robe potrebno je izvršiti u roku do 30 dana od dana obostranog potpisivanja ugovora.

Ponuđači su dužni u prilogu ponude dostaviti izjavu o roku isporuke vozila do maksimalno 30 dana, od dana obostranog potpisivanja ugovora”.

Nadalje, u tački 2.4.4. Tenderske dokumentacije, a u kojoj su navedeni dokumenti koji se trebaju dostaviti uz ponudu, navodi se pod podtačkom o) Izjava ponuđača o isporuci vozila u roku do maksimalno 30 dana, od dana obostranog potpisivanja ugovora (original/ovjereni kopija), potpisana i ovjereni pečatom od strane ponuđača;

Također, oba ponuđača u Aneksu III i Aneksu IV nisu upisali broj „Službenog glasnika BiH“ u kojem je objavljen Sažetak obavještenja o nabavci broj: 14753-1-1-102-3-22/25, dok dodatno ponuđač Bunjo d.o.o. u Aneksu IV nije upisao naziv ugovornog organa, kao ni broj Obavještenja o nabavci. Imajući u vidu Rješenje Ureda za razmatranje žalbi broj: JN2-03-07-1-2932-9/20 od 19.11.2020. godine i JN2-03-07-1-326-9/21 od 11.03.2021. godine u kojima je Ured zauzeo stav da neupisivanje broja Službenog glasnika ne može biti razlog za odbacivanje ponude jer ponudu što se tiče forme neprihvatljivom čini ako je propušteno da se uopšte dostavi određeni akt traženom dokumentacijom, ali ne i beznačajan propust unutar dokumenta koji ne može uticati na valjanost dostavljene ponude, Komisija je jednoglasno zauzela stav da, razlog neupisivanja broja „Službenog glasnika BiH“, kao i broja Obavještenja o nabavci i naziva ugovornog organa, a koje je ponuđač Bunjo d.o.o. Sarajevo uredno upisao na prethodnom Aneksu I i III, nije razlog za odbacivanje ponude niti jednog ponuđača, ali da nedostavljanje traženog dokumenta – Izjave jeste razlog za odbacivanjem ponude, a u skladu sa prethodnim mišljenjem Ureda za razmatranje žalbi.

Uvidom u priloženu dokumentaciju, nesporno je da su se ispunili uslovi za poništenje postupka javne nabavke u skladu sa članom 69. stav 2). tačka d. jer kako je navedeno ponuda ponuđača Auto Nuić d.o.o. i Bunjo d.o.o. je neprihvatljiva/nepravilna iz naprijed navedenih razloga.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda.

U postupku ocjene provedenog postupka, nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke te je nesporno da su se ispunili uslovi za poništenje postupka javne nabavke.

Iz navedenih razloga, primjenom člana 69. stav 2) tačka d. Zakona o javnim nabavkama, te u skladu sa internim aktima odlučeno je kao u članu 1. ove odluke.

## POUKA O PRAVNOM LIJEKU:

Protiv ove odluke može se izjaviti žalba ugovornom organu (Javna ustanova Federalna novinska agencija) u skladu s članom 101. stav 1. tačka d) Zakona o javnim nabavkama BiH, najkasnije u roku od 10 (deset) dana od dana prijema ove Odluke.



M.P.

Potpis odgovornog lica

DIREKTOR

Dostaviti:

- Ponuđačima - 2x,
- a/a - 1x.